

Sakspapir

Saksnr	Utvalg	Type	Dato
084/21	Formannskapet	PS	26.08.2021

Saksbehandler	Arkiv	ArkivsakID
Ketil Tjore	FE-033	21/945

Orienteringssak

Framlegg til vedtak:

Formannskapet - 084/21 - 26.08.2021

FS - behandling:

Kommunalsjef Monika Kvamme - Status Korona:

Det er gjort og blir framleis gjort ein stor jobb. Vaksinerer 240 i dag, torsdag 26.08. Meir enn 2000 har fått si første dose og 1546 har fått dose to. Vi har kortare intervall no og det ser ut til at vi stort sett blir ferdig i løpet av september. Gravide og 16 - 17 åringar får no tilbod om vaksine. Medan vi tidlegare berre ta til takke med det vi fekk av vaksiner, er det no slik at vi må bestille det vi treng. Vi bestiller for 14 dagar om gongen. Framleis er det utfordring i høve testing på skule både med kapasitet innan våre ressursar og tal på testar tilgjengeleg.

Totalt sidan starten har Austrheim testa 2052 personar. Vi er kome langt med vaksining og det er no slik at ein fokuserer på vaksining og nedprioriterer TISK- viss det er nødvendig.

Helge Dyrkolbotn (Krf) - Mykje ros til helse og pleie og omsorg for gjennomføringa. Vaksining på skulen skjer i samarbeid med Alver kommune noko som er svært positivt.

Varaordførar Inger Lise Brekke (H) - hadde to spørsmål: Får vi melding om kor mange av våre innbyggjarar som er vaksinert sjølv om dei har fått vaksine ein anna stad? Monika Kvamme kunne stadfeste at det gjer vi.

Kan tilsette i skule og barnehage føreta testing? Monika Kvamme svara at det kan vere det er slik vi må gjere det, men at utfordringa no er at vi ikkje har så mange testar.

Inger Lise Brekke kommenterte vidare at vi no kjem over i ein situasjon der vi må forholde oss til smitte. Tiltak må kanskje lempast på for det er ei belastning for arbeidslivet å halde fram med tiltaka, men vi må sjølvstøtt prøve å unngå at folk vert alvorleg sjuke.

Monika Kvamme - Tiltak er under vurdering heile tida, men folk må vere flinke framleis skal vi unngå smitteutbrot.

Ordførar Per Lerøy (Ap) - må skryte av måten tilsette har handtert situasjonen på, no er det om å gjere å stå distansen ut. Det er gjort ein kjempe jobb både når det gjeld testing og vaksining.

Avdelingsleiar Asbjørn Nagel Toft - Rydding mot utmarksbrann:

Firma Arne Eikeland fekk jobben og er kome svært godt i gong i området rundt kommunesentert. Dei byrja i slutten av juni langs gang- og sykkelveggar til Årås skule. Ein let einskilde tre stå att for å dempe ny oppvekst og planta kastanjetre er teke vare på. All sitkagran, furu og einer (over 1 meter) blir

fjerna. Fristen for arbeidet er 1. november og da skal han nok vere ferdig. I samarbeid med pleie og omsorgsavdelinga blir det etter at det andre er ferdig også rydda rundt Vestlia og omsorgsbustadane. Åråsfeltet blir ikkje med i denne omgang.

Per Lerøy (Ap) - Det er nok den posten på facebook som har fått flest likes av det vi har gjort. Det blir sett stor pris på arbeidet blant innbyggjarane. Kva med tre som blir felt, kan vi produsere ved av det eller kan folk hente og produsere ved sjølv? Vi såg til hendingar i Lærdal og Øygarden og søkte om midlar. Kan vi søkje om meir midlar? Vi har gode argument og har også fått positive tilbakemeldingar frå brannsjefen i Bergen.

Asbjørn Nagel Toft- Folk må eventuelt ta direkte kontakt med entreprenøren om dei felte trea, det er også noko som etter avtale går til grunneigarar. På sikt må vi prøve å få til aktiv beiting der vi ryddar. Aktivt landbruk er viktig i denne samanhengen.

Helge Dyrkolbotn (Krf) - Det er eit svart bra prosjekt, fint å sjå at det lysnar rundt omkring og Arne Eikeland har fått nye oppdrag frå private rundt omkring. Kva med området rundt vanntårnet i Åråsfeltet?

Asbjørn Nagel Toft - I samband med anbodet greidde vi ikkje å få med meir enn det vi har byrja med, rundt kommunesenteret. Vi vil gjere det heilt ferdig og har ikkje midlar til nye området no.

Reidar Øknes (Sp) - Prosjekter er nødvending. Kanskje kan ein etterkvart få meir ut av midlane. Elektrisk gjerde og sleppe dyr på beite vil gi ei positiv effekt. Klart noko må ein ta med maskin, men kan vi ta ei sak til landbruksfagrådet ang. beitebruksplan og slik få meir ut av midlane. Viktig at ein held det ved like, berre sjå til friluttsområdet i Øksnes, der det har vokse opp att.

Per Lerøy (Ap) - Det er ikkje enten eller. Ein må gjere begge deler. I Lerøy har det vore beiting, men grana veks opp likevel. Vi må både få på plass aktiv beiting og ta ned tre.

Asbjørn Nagel Toft – Det er ein del store grensetre og det er ikkje ein del av prosjektet, men på sikt må vi få det vekk. Beitedyr tek ikkje gran og furu på den måten at vi får alt vekk. Det kan også vere myr, men uansett er førebygging viktig.

Kommunalsjef Thoma Lindås og kommunalsjef Monika Kvamme- Tilsetjingar:

Prosesen med å tilsetje ny kommunalsjef for oppvekst og kultur er godt i gong. Det var 10 søkjarar og fleire er innkalla til intervju. Kommunedirektøren har god tru på at dei finn ein kommunalsjef blant desse.

Legestilling vert utlyst på nytt, kan vere at ein må sjå på kombinasjon mellom kommunalt tilsett og sjølvstendig næringsdrivande for å gjere det meir attraktivt.

Leiande helsesjukepleiar skal etterkvart over i pensjon og det vert lyst ut ei stilling som helsesjukepleiar med tilsetjing frå 01.01.22. Avdelinga har to tilsette i 100% stilling og ved hjelp av prosjektmidlar ei i 80% stilling.

Kommentarar frå formannskapet:

Inger Lise Brekke (H) - vi ønsker fulltidsstillingar også i typisk kvinneyrker, og for å vere meir attraktiv som arbeidsgjevar. Kan vi løyve resterande frå lønsmildlane for å få ei 100% stilling?

Kommunalsjef Monika Kvamme svara at det er noko ein må sjå på, pandemien har vist kor viktig desse stillingane er.

Per Lerøy (Ap) - vi ønsker 100% stillingar, det er signalet frå politikarane.

Vi har høgare dekning av helsesjukepleiar enn det vi er plikta til i høve elevar på Austrheim vidaregåande.

Helge Dyrkolbotn (Krf) - kan vere vanskeleg å gi ekstra midlar til akkurat den stillinga når vi veit at det er mange andre mindre stillingar, men intensjonen for fulltidsstillingar er klar.

Morten Sognnes (H) - det er heller ikkje alle som av ulike grunnar ikkje ønskjer full stilling

Inger Lise Brekke (H) - vi må tenkje på at det er prat om to ulike stillingar, nokre er turnus medan andre er kontorstillingar. Stillingar bør utlysast i 100%, å kan heller tilsette søkje seg ned i stilling seinare.

Kommunalsjef Monika Kvamme - når det gjeld fysioterapitenesta har den nye fysioterapeuten, Artur Øvreås, nett teke til i stillinga si. Etterkvart skal ergoterapeuten, våre fysioterapeuter inn i ei

samløkalisering med Roger Villanger (privatpraksiserande med driftstilskot). Vi skal leige lokale på Mastrevik Torg, vi ser fleie fordelar med dette og vi trur dette er ei framtidsretta løysing. Kommunalsjef Thomas Lindås - vi har inngått leigeavtale med Coop, det er ei ryddig og god avtale og Roger Villanger er med som leigetakar.

Per Lerøy (Ap) - fysioterapilokala i kjellaren på Nordliheimen har ikkje vore gode verken for tilsette eller brukarar, lokalet blir bra med universell tilkomst.

Personal og økonomisjef Odd Harald Dommersnes -

AS Austrheim Næringsselskap har kjøpt Setenesvegen 46 og leigd den ut til Austrheim kommune som framleiger til fysioterapeut.

Førebur ei sak om utvida rolle for AS Austrheim Næringsselskap som eigar for kommunale bustader og eventuelt andre kommunale bygg. Austrheim kommune eig 13 bustader utanom Vestlia og dei i Sætre marka buerettsslag. Næringsselskapet vert då utleigar av bustadane. Det vert jobba med jus, samansetning av styret med meir til saka som vert lagt fram i oktober.

Per Lerøy (AP) - ein må legge vekk vedtaket frå tidlegare, vi må bruke næringsselskapet aktivt. Dei offentlege bygningane har vore prioritert ikkje bustadane og kanskje kan ein slik forvalte verdiane våre på ein betre måte.

Helge Dyrkolbotn (Krf) - vi har ikkje brukt Austrheim Næringsselskap godt nok og det høyrets fornuftig ut med bustadane, men kva med samhandling med andre kommunale tenester, kan vi sikre det? Odd Harald Dommersnes svarer at det må ligge ei god avtale til grunn, der kommunen må definere nivå på tenentene næringsselskapet skal gi kommunen.

Inger Lise Brekke (H) - ein treng midlar ved oppstart av ei selskap, kor får ein det frå?

Odd Harald Dommersnes - ein kan skrive opp verdiane i Mongstad Vekst og nytt til finansiering.

Per Lerøy (Ap) - Verdiane i Mongstad Vekst er i realiteten mykje høgare enn det som er bokført.

Morten Sognes (H) - dette høyres fornuftig ut. Kan ein risikere og måtte dekke tap ved konkurs?

Odd Harald Dommersnes - det er begrensa ansvar når det er eit AS og vil ikkje ligge garantiar frå kommunen.

Reidar Øksnes (Sp) - peiker på at dette er ei orientering, vi må først få sak på bordet og vedta at vi skal ha Austrheim Næringsselskap, så må vi ta stilling til vidare arbeid.

Personal og økonomisjef Odd Harald Dommersnes -

Kommunalsjef forvaltning og service Thomas Lindås går ut i permisjon frå no og fram til midten av desember. Avdelingsleiar Rolf Henning Myrmel erstattar han i leiargruppa. Grunna vakant stilling, permisjon med meir vert HR- delen styrka med ekstern ressurs i ein periode på 6 månadar. Økonomi vert overført til rådmannen sin stab og framover blir det tre kommunalsjefar.

Vi skal ta i bruk systemet Webcruiter i samaband med søknadsprossessen ved utlysingar, få på plass ein del reglement og ha fokus på arbeidsforhold i einingane.

Per Lerøy (Ap) - dette høyres fornuftig ut.

Vidare vart følgjande diskutert i formannskapet:

Per Lerøy (Ap) – politiske vedtak som ikkje blir gjennomført. Hagen ved Nordliheimen. Midlar og plan på plass, men ikkje noko er skjedd. Kommunedirektøren har fått på plass eit register over saker, ber om at dette blir presentert med status på kvart KS og FS møte. Det er ikkje sikkert det let seg gjere, grunna manglande kapasitet, men politikarane treng å vite om det. Tilbakemelding i møta er viktig. Inger Lise (H) - dette er lurt. Samspill mellom politikarane og administrasjon kan bli enda bedre med dette. Det skaper openheit og får vekk ein del frustrasjon.

Thomas Lindås - vi kan hente mykje på kommunikasjon. Det er oppretta eit dokument, og vi er i sluttfasen med å sjekke ut korleis sakane ligg an.

Monika Kvamme - Når det gjeld hagen ved Nordliheimen ventar vi på prisar.

Helge Dyrkolbotn (Krf) – kjempe fint at vi får slike orienteringar. Vi må få eit ærleg svar på om vi kan gjennomføre. Det må vere realistiske vedtak vi gjer.

Thomas Lindås - ein måte å få meir realistiske vedtak på kan vere at politikarane sender saker til

utgreiing, då kan administrasjon gjere ei grundig utgreiing før vedtak skal gjerast.

Reidar Øksnes (SP) - Kommunestyret og formannskapet har gjort vedtak, og kanskje utan at vi har hatt oversikt over kva ressursar ein treng for å gjennomføre. Vi må sjølvsagt forvente at administrasjon utfører, men viss ein ikkje har oversikt på vedtak og volum på arbeid i forhold til ressursane så er det ikkje så greit. Vi må vere klar over konsekvensar for nei og ja til vedtaka vi gjer. Det kom og spørsmål frå formannskapet om kantslått, vi er trafikk sikker kommune og det er trafikkfarleg når det veks høgt langs vegane våre. Thomas Lindås stadfesta at det er bestilt kantslått.

FS vedtak:

Orienteringane vert teke til vitande.

Saksopplysninger: